

de/ seind fürnemlich diese. Erstlich weil sie vermerckten dz die Schiffahrt auff Spaniē vnd Portugall/ ihren vnderfassen / wiewol so viel möglich/ bedeckter weiß/ sich bißhero gebraucht vnd beholffen hattē/ jeh lenger jeh mehr sorglicher vnd gefehrlicher würde/ weil sie allda täglich erwarten musten/ daß jr Schiff gearrestiert/ die Güter vnd Waaren Confisciert/ die Schiff vnd Rauffleuth gefangen werden möchten/ vnder dem schein daß sie auß Niderlandt waren/ oder daß sie allda von der Inquisition mochten angefochten / vnd wegen ihres glaubens examinirt werden: oder daß sie mochten gezwungen werden / einweder ganz vmbsonst/ oder doch vmb sehr geringen Lohn/ dem König wider jrē willen/ ja wider dz Vaterlandt selbst zu dienē/ wie dan solches in vergangenen Jahren vielen widerfahren. Auß diesen nun vnd anderen mehr Vhrsachen/ habē die Herren Staden general der Vereinigten Niderlāden dahin getrachtet/ wie sie doch den Krieg zū besten Nutz des Vaterlandts anstellen/ vnd führen/ vñ also der gelegenheit warnemen vnd gebrauchen möchten/ in dem sie nun den Kopff auß der schlingen gezogen/ vnd das Spanisch Joch abgeworffen/ sintemal sie so lang vnder demselben gewesen/ wie noch heutigs tags denen so noch darunder seind / ihnen verbotten gewesen auff Ost vnd West Indien/ wie auch auff die Meergrengen an Africa/ Item auff Guinea / Brasilien/ dergleichen auff alle Inseln des Atlantischen oder Indianischen Meers/ deren vnzählich viel/ vnd mit dē köstliche Wahrē erfüllet seindt/ fahrē mögen. Darnebe war leichtlich zu crachten/ dz kein Mittel were dardurch der Feindt vnd ganz Spanien leichtlicher löte gedempt vñ herund gebracht werdē/ dan ebē dieses: sintemal es gnugsam kündig daß dz jehrig damit

dec